

法句經序

獸一

曇鉢偈者衆經之要義曇之言法鉢者句也而法句經別有數部有九百偈或七百偈及五百偈偈者經語猶詩頌也是佛見事而非一時言各有本末布在諸經佛一切智厥性大仁慈傷天下出興于世開現道義所以

乙

徐

解人九十二部經摛括其要別爲數部四部阿鉢佛去世後阿難所傳卷無大小皆稱聞如是處佛所在究暢其說是後五部沙門各自鉢衆經中四句六句之偈比次其義條別爲品於十二部經靡不斟酌無所適名故曰法句夫諸經爲法言法句者猶法言也近世

葛氏傳七百偈義致深譯人出之頗使其渾惟佛難值其法難聞又諸佛興皆在天竺天竺言語與漢異音云其書爲天書語爲天語名物不同傳實不易唯昔藍調安侯世高都尉佛調釋梵爲晉實得其體斯已難繼後之傳者雖不能審猶尚貴其實粗得大趣始

者維祇難出自天竺以黃武三年來適武昌僕從受此五百偈本請其同道竺將炎爲譯將炎雖善天竺語未備曉漢其所傳言或得梵語或以義出音近質直僕初嫌其爲詞不雅維祇難曰佛言依其義不用飾取其法不以嚴其傳經者令易曉勿失厥義是則爲善

座中咸曰老氏稱美言不信信言不美仲尼亦云書不盡言言不盡意明聖人意深遠無極今傳梵義實宜徑達是以自偈受譯人口因順本旨不加文飾譯所不解即闕不傳故有脫失多不出者然此雖詞朴而旨深文約而義博事均衆經章有本故句有義說其在天竺始進業者不學法句謂之越序此乃始進者之鴻漸深入者之奧藏也可以啓蒙辯惑誘人自立學之功微而所包者廣寔可謂妙要也哉昔傳此時有所不出會將炎來更從諮問受此偈等復得十三品并校往古有所增定第其品目合爲一部三十九篇大凡

偈七百五十二章都九一萬四千五百八十字庶有補益共廣聞焉
佛說法句經卷上

尊者法救撰 吳天竺沙門維祇難等譯

無常品第一

二十有一章無常品者寤欲昏亂榮命難保

獸一 二

唯道是真

睡眠解寤 宜歡喜思 聽我所說 撰集佛言

所行非常 謂興衰法 夫生輒死 此滅為樂

譬如陶家 埏埴作器 一切要壞 人命亦然

如河駛流 往而不返 人命如是 逝者不還

譬人操杖 行牧食牛 老死猶然 亦養命去

千百非一族姓男女 貯聚財產 無不衰喪

生者日夜 命自攻削 壽之消盡 如燄穿水

常者皆盡 高者亦墮 合會有離 生者有死

衆生相尅 以喪其命 隨行所墮 自受殃福

老見苦痛 死則意去 樂家縛獄 貪世不斷

咄嗟老至 色變作耄 少時如意 老見蹈藉

雖壽百歲 亦死過去 為老所壓 病條至際

是日已過 命則隨滅 如少水魚 斯有何樂

老則色衰 所病自壞 形敗腐朽 命終其然

是身何用 恒漏臭處 為病所困 有老死患

嗜欲自恣 非法是增 不見間變 壽命無常

非有子侍 亦非父兄 為死所迫 無親可怙

晝夜慢惰 老不止姪 有財不施 不受佛言

有此四蔽 為自侵欺 非空非海中 非入山石間 無有地方所

脫之不受死 是務是吾作 當作令致是 人為此躁擾 履踐老死憂 知此能自靜

如是見生盡 比丘厭魔兵 從生死得度

法句經教學品第二

二十有九章教學品者導以所行釋已愚暗得見道明

咄起何為寐 蝓螺蚌蠹類 隱蔽以不淨

迷惑計為身 焉有被斫磨 心而嬰疾痛

遘于衆厄難 而反為用眠 思而不放逸

為人學仁迹 從是無有憂 常念自滅意

獸一 三

獸一

獸一

正見學務增 是為世間明 所生福千倍
終不墮惡道

莫學小道 以信邪見 莫習放蕩 令增欲意

善修法行 學誦莫犯 行道無憂 世世常安

敏學攝身 常慎思言 是到不死 行滅得安

非務勿學 是務宜行 已知可念 則漏得滅

見法利身 夫到善方 知利建行 是謂賢明

起覺義者 學滅以固 着滅自恣 損而不興

是向以強 是學得中 從是解義 宜憶念行

學先斷母 率君二臣 廢諸營從 是上道人

學無朋類 不得善友 寧獨守善 不與愚偕

樂戒學行 奚用伴為 獨善無憂 如空野象

戒聞俱善 二者熟賢 方戒稱聞 宜諦學行

學先護戒 閑閉必固 施而無受 力行勿卧

若人壽百歲 邪學志不善 不如生一月

精進受正法 若人壽百歲 奉火修異術

不如須臾敬 事戒者福勝 能行說之可

不能勿空語 虛偽無誠信 智者所屏棄

學當先求解 觀察別是非 受諦能誨彼

慧然不復惑 被髮學邪道 草衣內貪濁

矇矇不識真 如聾聽五音 覺能捨三惡

以藥消眾毒 健夫度生死 如蛇脫故皮

學而多聞 持戒不失 兩世見譽 所願者得

學而寡聞 持戒不完 兩世受痛 喪其本願

夫學有二 常親多聞 安諦解義 雖困不邪

穉釋害未 多欲妨學 耘除眾惡 成收必多

慮而後言 辭不強梁 法說義說 言而莫違

善學無犯 畏法曉認 見微知著 戒無後患

遠捨罪福 務成梵行 終身自攝 是名善學

多聞品第三 獸一 四

十有九章多聞品者亦勸文學積聞成聖自

致正覺

多聞能持固 奉法為垣墻 精進難喻毀

從是戒慧成 多聞令志明 已明智慧增

智則博解義 見義行法安 多聞能除憂

能以定為歡 善說甘露法 自致德泥洹

聞為知律法	解疑亦見正	從聞捨非法
行到不死處	為能師見道	解疑令學明
亦興清淨本	能奉持法藏	能攝為解義
解則戒不穿	受法持法者	從是疾得安
若多少有聞	自大以憍人	是如盲執燭
照彼不自明	夫求爵位財	尊貴昇天福

辯決世間悍	斯聞為第一	帝王聘禮聞
天上天亦然	聞為第一藏	富富齋力強
智者為聞屈	好道者亦樂	王者盡心事
雖釋梵亦然	仙人尚敬聞	况貴巨富人
是以慧為貴	可禮無過是	事日為明故
事父為恩故	事君以力故	聞故事道人

人為命事醫	欲勝依豪強	法在智慧處
福行世世明	察友在為謀	別伴在急時
觀妻在房樂	欲知智在說	聞能今世利
妻子昆弟友	亦致後世福	積聞成聖智
是能散憂患	亦除不祥衰	欲得安隱吉
當事多聞者	斫剝無過憂	射箭無過愚

獸一

五

是壯莫能拔	唯從多聞除	盲從是得眼
聞者從得燭	示導世間人	如目將無目
是故可捨癡	離慢豪富樂	務學事聞者
是名積聚德		
篤信品第四		
十有八章篤信品者立道之根果於見正行		

不回顧	信慙戒意財	是法雅意譽	斯道明智說
如是昇天世	愚不修天行	亦不譽布施	
信施助善者	從是到彼安	信者真人長	
念法所信安	近者意得上	智壽壽中賢	
信能得道	法致滅度	從聞得智	所到有明

信能度淵	攝為船師	精進除苦	慧到彼岸
士有信行	為聖所譽	樂無為者	一切縛解
信之與戒	慧意能行	律夫度志	從是脫淵
信使戒誠	亦受智慧	在在能行	處處見養
比方世利	慧信為明	是財上寶	家產非常
欲見諸真	樂聽講法	能捨慳垢	此之為信

信能渡河 其福難奪 能禁止盜 野沙門樂
無信不習 好剝正言 如拙取水 渥泉揚泥
賢夫習智 樂仰清流 如善取水 思令不擾
信不染他 唯賢與人 可好則學 非好則遠
信為我興 莫知我載 如大象調 自調最勝
信財戒財 慙愧亦財 聞財施財 慧為七財

從信守戒 常淨觀法 慧而履行 奉教不忘
生有此財 不問男女 終已不貧 賢者識真

戒慎品第五

十有六章戒慎品者授與善道禁制邪非後
無所悔也 人而常清 奉律至終 淨修善行 如是戒成

慧人護戒 福致三寶 名聞得利 後上天樂
常見法處 護戒為明 得成真見 輩中吉祥
持戒者安 令身無惱 夜卧恬淡 寤則常歡
修戒布施 作福為福 從是適彼 常到安處
何終為善 何善安止 何為人寶 何盜不取
戒終老安 戒善安止 慧為人寶 福盜不取

數一

六

比丘立戒 守攝諸根 食知自節 悟意令應
以戒降心 守意正定 內學止觀 無忘正智
明哲守戒 內思正智 行道如應 自清除苦
獨除諸垢 盡慢勿生 終身求法 勿暫離聖
戒定慧解 是當善惟 都已離垢 無禍除有
着解則度 餘不復生 越諸魔界 如日清明

狂惑自恣 已常外僻 戒定慧行 求滿勿離
持戒清淨 心不自恣 正智已解 不觀邪部
是往吉處 為無上道 亦捨非道 離諸魔界

惟念品第六

十有二章惟念品者守微之始內思安般必
解道紀

出息入息念 具滿諦思惟 從初竟適利
安如佛所說 是則照世間 如雲解月現
起止學思惟 坐卧不廢忘 比丘立是念
前利後則好 始得終必勝 誓不願生死
若現身所念 六更以為寂 比丘常一心
便自知泥洹 已有是諸念 自身常建行

若其不如是	終不得意行	是隨本行者
如是度愛勞	若能悟意念	知解一心樂
應時等行法	是度生死惱	比丘悟意行
當令應是念	諸欲生死棄	為能作苦際
常當聽微妙	自覺悟其意	能覺者為賢
終始無所會	以覺意能應	日夜務學行
當解甘露要	令諸漏得盡	夫人得善利
乃來自歸佛	是故當晝夜	常念佛法眾
已知自覺意	是為佛弟子	常當晝夜念
佛與法及僧	念身念非常	念戒布施德
空不願無相	晝夜當念是	
慈仁品第七		

十有九章慈仁品者是謂大仁聖人所履德普無量
 為人不殺 常能攝身 是處不死 所適無患
 不殺為人 慎言守心 是處不死 所適無患
 彼亂已整 守以慈仁 見怒能忍 是為梵行
 至誠安徐 口無麤言 不瞋彼所 是謂梵行
 垂拱無為 不害眾生 無所燒惱 是應梵行

常以慈哀	淨如佛教	知足知止	是度生死
少欲好學	不惑於利	仁而不犯	世上所稱
仁壽無犯	不興變狀	人為諍擾	慧以嘿安
普愛賢友	哀加眾生	常行慈心	所適者安
仁儒不邪	安止無怠	上天衛之	智者樂慈
晝夜念慈	心無剋伐	不害眾生	是行無仇
不慈則殺	違戒言妄	愚不施與	不觀眾生
酒致失志	為放逸行	後墮惡道	無修不真
履仁行慈	博愛濟眾	有十一譽	福常隨身
卧安覺安	不見惡夢	天護人愛	不毒不兵
水火不喪	在所得利	死昇梵天	是為十一
若念慈心	無量不廢	生死漸薄	得利度世
仁無亂志	慈最可行	敗心傷眾	此福無量
假令盡壽命	勤事天下神	象馬以祠天	
不如行一慈			
言語品第八			
十有二章言語品者所以戒口發說談論當			
用道理			

惡言罵詈 憍陵憊人 興起是行 疾然滋生
遜言順辭 尊敬於人 棄結忍惡 疾然自滅
夫士之生 芥在口中 所以斬身 由其惡言
諍為少利 如掩失財 從彼致諍 今意向惡
譽惡惡所譽 是二俱為惡 好以口會聞
是後皆無安 無道墮惡道 自增地獄苦

獸一

八

遠愚修忍意 念諦則無犯 從善得解脫
為惡不得解 善解者為賢 是為脫惡惱
解自挹損惡 不躁言得中 義說如法說
是言柔軟甘 是以言語者 必使已無患
亦不尅眾人 是為能善言 言使意投可
亦令得歡喜 不使至惡意 出言眾悉可
至誠甘露說 如法而無過 諦如義如法
是為近道立 說如佛言者 是吉得滅度
為能作法際 是謂言中上
雙要品第九
二十有二章雙要品者兩兩相明善惡有對
舉義不單

心為法本 心尊心使 中心念惡 即言即行
罪苦自追 車轆于轍 心為法本 心尊心使
中心念善 即言即行 福樂自追 如影隨形
隨亂意行 拘愚入冥 自大無法 何解善言
隨正意行 開解清明 不為妬嫉 愍達善言
慍於怨者 未嘗無怨 不慍自除 是道可宗
不好責彼 務自省身 如有知此 永滅無患
行見身淨 不攝諸根 飲食不節 慢墮怯弱
為邪所制 如風靡草 觀身不淨 能攝諸根
食知節度 常樂精進 不為邪動 如風大山
不吐毒態 欲心馳騁 未能自調 不應法衣
能吐毒態 戒意安靜 降心已調 此應法衣

獸一

九

以真為偽 以偽為真 是為邪計 不得真利
知真為真 見偽知偽 是為正計 必得真利
蓋屋不密 天雨則漏 意不惟行 媯泆為穿
蓋屋善密 雨則不漏 攝意惟行 媯泆不生
鄰夫染人 如近臭物 漸迷習非 不覺成惡
賢夫染人 如耐香熏 進習習善 行成潔芳

造憂後憂 行惡兩憂 彼憂惟懼 見罪心懷

造喜後喜 行善兩喜 彼喜惟歡 見福心安

今悔後悔 為惡兩悔 厥為自殃 受罪熱惱

今歡後歡 為善兩歡 厥為自祐 受福悅豫

巧言多求 放蕩無戒 懷嫉怒癡 不惟止觀

聚如群牛 非佛弟子 時言少求 行道如法

除嫉怒癡 覺正意解 見對不起 是佛弟子

放逸品第十

有二十章放逸品者引律戒情防邪檢失以

道勸賢

戒為甘露道 放逸為死徑 不貪則不死

失道為自喪 慧智守道勝 終不為放逸

不貪致歡喜 從是得道樂 常當惟念道

自強守正行 健者得度世 吉祥無有上

正念常興起 行淨惡易滅 自制以法壽

不犯善名增 發行不放逸 約已自調心

慧能作錠明 不返真淵中 愚人意難解

貪亂好諍訟 上智當重慎 護斯為寶事

莫貪莫好諍 亦莫嗜欲樂 思心不放逸

可以獲大安 放逸如自禁 能覺之為賢

已昇智慧閣 去危為即安 明智觀於愚

譬如山與地 居亂而身正 彼為獨覺悟

是力過師子 棄惡為大智 睡眠重若山

癡冥為所蔽 安卧不計苦 是以常受胎

不為時自恣 能制漏得盡 自恣魔得便

如師子搏鹿 能不自恣者 是為戒比丘

彼思正靜者 常當自護心 比丘謹慎樂

放逸多憂愆 變諍小致大 積惡入火焚

守戒福致喜 犯戒有懼心 能斷三界漏

此乃近泥洹

若前放逸 後能自禁 是照世間 念定其宜

過失為惡 追覆復以善 是照世間 念善其宜

少壯捨家 盛修佛教 是照世間 如月雲消

人前為惡 後止不犯 是照世間 如月雲消

生不施惱 死時不惑 是見道悍 應中勿憂

斷濁黑法 學惟清白 度淵不反 棄倚行止

不復染樂 欲斷無憂

心意品第十一

十有二章心意品者說意精神雖空無形造作無端

意駛於響 難護難禁 慧正其本 其明乃大

輕躁難持 唯欲是從 制意為善 自調則寧

意微難見 隨欲而行 慧常自護 能守即安

獨行遠逝 寢藏無形 損意近道 魔繫乃解

心無任息 亦不知法 迷於世事 無有正智

念無適止 不絕無邊 福能遏惡 覺者為賢

佛說心法 雖微非真 當覺逸意 莫隨放心

見法寂安 所願得成 慧護微意 斷苦因緣

有身不久 皆當歸土 形壞神去 寄住何貪

心務造處 住來無端 念多邪僻 自為招患

是意自造 非父母為 可勉向正 為福勿回

藏六如龜 防意如城 慧與魔戰 勝則無患

華香品第十二

十有七章華香品者明學當行因華見實使

獸一

土

偽反真

孰能擇地 捨監取天 誰說法句 如擇善華

學者擇地 捨監取天 善說法句 能採德華

知世坏喻 幻法忽有 斷魔華敷 不覩死生

見身如沫 幻法自然 斷魔華敷 不覩死生

身病則瘦 若華零落 死命來至 如水湍聚

貪欲無厭 消散人念 邪致之財 為自侵欺

如蜂集華 不燒色香 但取味去 仁入聚然

不務觀彼 作與不作 常自省身 知正不正

如可意華 色好無香 吾語如是 不行無得

如可意華 色美且香 吾語有行 必得其福

多作寶華 結步搖奇 廣積德香 所生轉好

奇草芳花 不逆風熏 近道敷開 德人遍香

栴檀多香 青蓮芳花 雖曰是真 不如戒香

華香氣微 不可謂真 持戒之香 到天殊勝

戒具成就 行無放逸 定意度脫 長離魔道

如作田溝 近于大道 中生蓮華 香潔可意

有生死亡 九夫處邊 慧者樂出 為佛弟子

闇愚品第十三

二十有一章闇愚品者將以開瞶故陳其然
欲使闡明

不寐夜長 疲倦道長 愚生死長 莫知正法

癡意常冥 逝而流川 在一行疆 獨而無偶

愚人着數 憂戚久長 與愚居苦 於我由怨

有子有財 愚惟汲汲 我且非我 何有子財

暑當止此 寒當止此 愚多預慮 莫知來變

愚瞶愚極 自謂我智 愚而勝智 是謂極愚

頑闇近智 如瓢斟味 雖久狎習 猶不知法

開達近智 如舌嘗味 雖須更習 即解道要

愚人施行 為身招患 快心作惡 自致重殃

行為不善 退見悔吝 致涕流面 報由宿習

行為德善 進覩歡喜 應來受福 喜笑玩習

過罪未熟 愚以恬淡 至其熟時 自受大罪

愚所望處 不謂適苦 臨墮厄地 乃知不善

愚恚作惡 不能自解 殃追自焚 罪成熾然

愚好美食 日月滋甚 於十六分 未一思法

獸

十二

愚生念慮 至終無利 自招刀杖 報有印章

觀處知其愚 不施而廣求 所墮無道智

徃徃有惡行 遠道近欲者 為食在學名

貪倚家居故 多取供異姓 學莫墮三望

莫作家沙門 貪家違聖教 為後自墮之

此行與愚同 但令欲慢增 利求之願異

求道意亦異 是以有識者 出為佛弟子

棄受捨世習 終不墮生死

明哲品第十四

十有七章明哲品者學念行者修福進道法

為明鏡

深觀善惡 心知畏忌 畏而不犯 終吉無憂

故世有福 貪思紹行 善致其願 福祿轉勝

信善作福 積行不厭 信知陰德 久而必彰

常避無義 不親愚人 思從賢友 狎附上士

喜法卧安 心悅意清 聖人演法 慧常樂行

仁人智者 齋戒奉道 如星中月 照明世間

弓工調角 水人調船 巧匠調木 智者調身

譬如厚石 風不能移 智者意重 毀譽不傾
譬如深淵 澄靜清明 慧人聞道 心淨歡然
大人體無欲 在所昭然明 雖或遭苦樂
不高現其智 大賢無世事 不願子財國
常守戒慧道 不貪邪富貴 智人知動搖
譬如沙中樹 朋友志未強 隨色染其素

世

世

世皆沒淵 勤克度岸 如或有人 欲度必奔
誠貪道者 攬受正教 此近彼岸 脫死為上
斷五陰法 靜思智慧 不反入淵 棄倚其明
抑制情欲 絕樂無為 能自拯濟 使慧為慧
學取正智 意惟正道 一心受誦 不起為樂
漏盡習除 是得度世

羅漢品第十五

有十章羅漢品者 真人性脫 欲無着 心不偷 變
去離憂患 脫於一切 縛結已解 冷而無燭
心淨得念 無所貪樂 已度癡淵 如駕棄池
量腹而食 無所藏積 心空無想 度眾行地
如空中鳥 遠逝無礙 世間習盡 不復仰食

虛心無患 已致脫處 譬如飛鳥 暫下輒逝
制根從正 如馬調御 捨憍慢習 為天所敬
不怒如地 不動如山 真人無垢 生死世絕
心已休息 言行亦止 從正解脫 寂然歸滅
棄欲無着 缺三界障 嬌意已絕 是謂上人
在聚在野 平地高岸 應真所過 莫不蒙祐

彼樂空閑 衆人不能 快哉無媼 無所欲求
述千品第十六

十有六章述千品者 示學者徑多而不要 不如約明
雖誦千言 句義不正 不如一要 聞可滅意
雖誦千章 不義何益 不如一義 聞行可度
雖多誦經 不解何益 解一法句 行可得道

千千為敵 一夫勝之 未若自勝 為戰中上
自勝最賢 故曰人雄 護意調身 自損至終
雖曰尊天 神魔梵釋 皆莫能勝 自勝之人
月千反祠 終身不輟 不如須臾 一心念法
一念造福 勝彼終身 雖終百歲 奉事火祠
不如須臾 供養三尊 一供養福 勝彼百千

祭神以求福 從後望其報 四分未望一

不如禮賢者 能善行禮節 常敬長老者

四福自然增 色力壽而安 若人壽百歲

遠正不持戒 不如生一日 守戒正意禪

若人壽百歲 邪偽無有智 不如生一日

一心學正智 若人壽百歲 懈怠不精進

不如生一日 勉力行精進 若人壽百歲

不知成敗事 不如生一日 見微知所忌

若人壽百歲 不見甘露道 不如生一日

服行甘露味 若人壽百歲 不知大道義

不如生一日 學惟佛法要

惡行品第十七

二十有二章惡行品者感切惡人動有罪報 不得無患

見善不從 反隨惡心 求福不正 反樂邪媿

凡人為惡 不能自覺 愚癡快意 令後鬱毒

殞人行虐 沉漸數數 快欲為之 罪報自然

吉人行德 相隨積增 甘心為之 福應自然

妖孽見福 其惡未熟 至其惡熟 自受罪酷

貞祥見禍 其善未熟 至其善熟 必受其福

擊人得擊 行怨得怨 罵人得罵 施怒得怒

世人無聞 不知正法 生此壽少 何宜為惡

莫輕小惡 以為無殃 水滴雖微 漸盈大器

凡罪充滿 從小積成 莫輕小善 以為無福

水滿雖微 漸盈大器 凡福充滿 從纖纖積

夫士為行 好之與惡 各自為身 終不敗亡

好取之士 自以為可 役取彼者 人亦役之

惡不即時 如擊牛乳 罪在陰伺 如灰覆火

戲笑為惡 已作身行 號泣受報 隨行罪至

作惡不起 如兵所截 牽往乃知 已墮惡行

後受苦報 如前所習 如毒摩瘡 船入洄瀾

惡行流慙 靡不傷尅

如惡誣同人 清白猶不汗 愚殃反自及

如塵逆風空 過失犯非惡 能追悔為善

是明照世間 如日無雲暄 大士以所行

然後身自見 為善則得善 為惡則得惡

有識墮胞胎 惡者入地獄 行善上昇天
無為得泥洹 非空非海中 非隱山石間
莫能於此處 避免宿惡殃 衆生有苦惱
不得免老死 唯有仁智者 不念人非惡
刀杖品第十八
十有四章刀杖品者教習慈仁無行刀杖賊

害衆生

一切皆懼死 莫不畏杖痛 恕己可為譬

勿殺勿行杖 能常安群生 不加諸楚毒

現世不逢害 後世長安隱

不當獲言 言當畏報 惡性禍來 刀杖歸軀

出言以善 如叩衆磬 身無議論 度世則易

枉杖良善 妄議無罪 其殃十倍 灾仇無赦

生受酷痛 形體毀折 自然惱病 失意恍惚

人所誣枉 或縣官厄 財產耗盡 親戚離別

舍宅所有 災火焚燒 死入地獄 如是為十

錘裸剪髮 被服草衣 沐浴踏石 奈疑結何

不伐殺燒 亦不求勝 仁愛天下 所適無怨

世儻有人 能知慚愧 是名誘進 如策良馬
如策善馬 進道能遠 人有信戒 定意精進
受道慧成 便滅衆苦
自嚴以修法 減損受淨行 杖不加羣生
是沙門道人 無害於天下 終身不遇害
常慈於一切 孰能以為怨

老耄品第十九

十有四章老耄品者誨人勤力不與命競老

悔何益

何喜何笑 念常熾然 深蔽幽冥 不如求定

見身形範 倚以為安 多想致病 豈知不真

老則色衰 病無光澤 皮緩肌縮 死命近促

身死神徙 如御棄車 肉消骨散 身何可怙

身為如城 骨幹肉塗 生至老死 但藏志慢

老如形變 喻如故車 法能除苦 宜以力學

人之無聞 老若特牛 但長肌肥 無有智慧

生死無聊 往來艱難 意倚貪身 生苦無端

慧以見苦 是故棄身 減意斷行 愛盡無生

不修梵行 又不富財 老如白鷺 守伺空池
 既不守戒 又不積財 老羸氣竭 思故何逮
 老如秋葉 行穢褻縷 命疾脫生 不用後悔
 命欲日夜盡 及時可勤力 世間諦非常
 莫惑墮真中 當學燃意燈 自練求智慧
 離垢勿染汗 執燭觀道地

愛身品第二十

十有四章愛身品者所以勸學終有益己滅
 罪興福

自愛身者 慎護所守 希望欲解 學正不寐
 身為第一 常自勉學 利乃誨人 不倦則智
 學先自正 如後正人 調身入慧 必遷為上

身不能利 安能利人 心調體正 何願不至
 本我所造 後我自受 為惡自更 如鋼鑽珠
 人不持戒 滋蔓如藤 逞情極欲 惡行日增
 惡行危身 愚以為易 善最安身 愚以為難
 如真人教 以道活身 愚者嫉之 見而為惡
 行惡得惡 如種苦種 惡自受罪 善自受福

獸一

十七

亦各項熟 彼不相代 習善得善 亦如種甜
 自利利人 益而不費 欲知利身 戒聞為寂
 如有自愛 欲生天上 敬樂聞法 當念佛教
 九用心豫慮 勿以損所務 如是意日修
 事務不失時 夫治事之士 能至終成利
 真見身應行 如是得所欲

世俗品第二十一

十有四章世俗品者說世幻夢當捨浮華勉
 修道用

如車行道 捨平大塗 從邪徑敗 生折軸憂
 離法如是 從非法增 愚守至死 亦有折患
 順行正道 勿隨邪業 行法卧安 世世無患
 万物為泡 意如野馬 居世若幻 奈何樂此
 若能斷此 伐其樹根 日夜如是 必至于定
 一施如信 如樂之人 或從惱意 以飯食眾
 此輩日夜 不得定意 世俗無暇 莫見道真
 如少見明 當養善意 如鷹將羣 避羅高翔
 明人導世 度脫邪眾 世皆有死 三界無安

